

# Glasanje

Nedelja, 26. maja 2019.

Val 26 maj 2019

EUROPAPARLAMENTET

## Ko može glasati?

Biračko pravo imaju švedski državljani koji imaju ili su imali prebivalište u Švedskoj. Biračko pravo imaju također i državljani drugih država članica EU koji se vode u švedskoj matičnoj evidenciji i koji su upisani u birački spisak (röstlängden). Najkasnije na dan izbora morate imati navršenih 18 godina života.

## Osobe s biračkim pravom dobijaju glasački karton (röstkort)

Osobe s biračkim pravom će, tri sedmice pred izbore, poštom dobiti glasački karton. Glasački karton sadrži ime i prezime, adresu i koliko je vaše biračko mjesto (vallokal) otvoreno. Tu ćete naći i podatke o biračkim mjestima za prijevremeno glasanje. Ukoliko izgubite glasački karton možete od općine ili Izbornog organa zatražiti novi.



## Glasački listići (valsedlar)

Glasački listići su dostupni na svim biračkim mjestima i kod političkih stranaka.

### Glasa se za političku stranku

Glasa se prvenstveno za neku političku stranku. Naziv stranke odštampan je na glasačkom listiću. Ukoliko nema glasačkih listića vaše stranke, naziv stranke možete napisati na praznom glasačkom listiću. Pišite čitko.

### Glasanje za pojedinog kandidata

Ukoliko želite da neki konkretni kandidat vaše stranke pobijedi na izborima, možete na glasačkom listiću upisati križić u kvadratić pored imena tog kandidata. Možete označiti samo jednog kandidata. Za određenog kandidata možete glasati i tako što ćete na praznom glasačkom listiću napisati naziv stranke i ime kandidata.

## Glasanje

### Glasanje na vašem biračkom mjestu na dan izbora 26. maja

Glasiati možete samo na biračkom mjestu navedenom u vašem glasačkom kartonu. Biračko mjesto je otvoreno samo na dan izbora. Prilikom glasanja na vašem biračkom mjestu, vaše se ime markira u biračkom spisku i glasački listić ubacuje u glasačku kutiju.

### Prijevremeno glasanje u vašoj ili nekoj drugoj općini

Možete glasati i unaprijed na bilo kojem biračkom mjestu u zemlji. Prijevremeno glasanje počinje otprilike tri sedmice prije dana izbora i traje zaključno sa danom izbora. Informacije o lokacijama za prijevremeno glasanje možete dobiti od vaše općine ili na [www.val.se](http://www.val.se).

U slučaju prijevremenog glasanja, ponesite svoj glasački karton.



Valmyndigheten

## Glasanje iz inostranstva

Ukoliko se nalazite u inostranstvu, možete glasati poštom ili u nekoj/nekome od švedskih ambasada ili konzulata. Za glasanje putem pošte, morate imati poseban materijal koji možete naručiti od Izborne komisije (Valmyndigheten), općine, ambasade ili konzulata.

## Pomoć prilikom glasanja

### Glasanje putem izaslanika

Kada zbog bolesti, invalidnosti ili starosti niste u stanju pristupiti na biračko mjesto, možete glasati putem svog izaslanika. Glasanje putem izaslanika moguće je i kada se nalazite u pritvoru ili kazneno-popravnom zavodu. Za glasanje putem izaslanika morate imati poseban materijal koji možete zatražiti od općine ili Izborne komisije (Valmyndigheten).

U ulozi izaslanika mogu se pojaviti sljedeće osobe:

- suprug, supruga ili vanbračni partner
- djeca, unuci, roditelji ili braća i sestre supruga, supruge ili vanbračnog partnera
- osobe koje se u svojstvu zaposlenika brinu o vama ili vam pomažu u obavljanju vaših ličnih poslova
- osoblje pritvora ili kazneno-popravnih zavoda

Vaš izaslanik ne može biti mlađi od 18 godina i dužan je pokazati identifikacionu ispravu.

### Mobilni primaoci glasačkih listića

Ukoliko ne poznajete nijednu osobu koja bi mogla biti vaš izaslanik, postoji mogućnost da vam vaša općina odredi primaoca glasačkih listića koji vam dolazi u kućnu posjetu. Više informacija o tome možete dobiti od svoje općine.

## Dužni ste potvrditi svoj identitet

Da biste mogli pristupiti glasanju, dužni ste potvrditi svoj identitet. Ukoliko niste lično poznati osobi koja preuzima vaš glasački listić, dužni ste pokazati neku od identifikacionih isprava, kao npr. vozačku dozvolu ili putnu ispravu. Ukoliko nemate identifikacionu ispravu, vaš identitet može potvrditi neko drugi uz predočenje svoje identifikacione isprave.

## Kalendar EU izbora 2019.

<b>11. april</b>	Najraniji datum za slanje glasačkih listića putem pošte.
<b>26. april</b>	Vaše biračko pravo se utvrđuje na osnovu podataka matične evidencije pri Poreskoj upravi.
<b>2. maj</b>	Najraniji datum za glasanje u švedskim ambasadama i konzulatima.
<b>8. maj</b>	Početak prijevremenog glasanja u Švedskoj.
<b>26. maj</b>	Dan izbora.